

Resolución pola que se acorda a desistencia do procedemento de selección CONCURSO PÚBLICO DE MÉRITOS 10/2023 PARA COLABORAR EN ACTIVIDADES DE INVESTIGACIÓN MEDIANTE CONTRATO EN RÉXIME TEMPORAL da praza: 2023-PU018 “A atención sociosanitaria en Galicia a mulleres maiores de 65 anos vítimas de violencia de xénero. Un estudo cualitativo”

FEITOS

PRIMEIRO: Por resolución reitoral da Universidade de Santiago de Compostela (USC) do 29 de setembro de 2023 se convoca o Concurso público de méritos, para a contratación de persoal investigador e de apoio á investigación no marco de actividades e programas de I+D+i, través do procedemento de contratación ordinaria.

SEGUNDO: Na relación de prazas ofertadas na Convocatoria pública 10/2023 figura a seguinte praza con referencia:2023-PU018:

DATOS DA ACTIVIDADE/PROXECTOS DE INVESTIGACIÓN PARA O QUE PRESTARÁ SERVIZOS	
Denominación	A atención sociosanitaria en Galicia a mulleres maiores de 65 anos vítimas de violencia de xénero. Un estudo cualitativo Contrato o abeiro do Convenio para o Desenvolvemento de Medidas do Pacto de Estado contra a Violencia de Xénero, entre as cales figuran a promoción de proxectos de investigación destinados ao desenvolvemento das referidas medidas para o ano 2023 Esta actividade está concedida provisionalmente polo que a adxudicación e formalización do contrato queda condicionada a concesión definitiva da axuda e a existencia de crédito
Centro de Traballo	Instituto de Ciencias da Educación (ICE)
Investigador principal	PORTO CASTRO, ANA MARIA
Membros da Comisión Especializada de Selección	Presidente/a: PORTO CASTRO, ANA MARIA Secretario/a: MOSTEIRO GARCÍA, MARIA JOSÉ Vocal: GARCÍA MARTÍN, JORGE
CARACTERÍSTICAS DO/S CONTRATOS	
Tipo de contrato	Contrato por circunstancias da produción
Número de prazas	1
Traballo a realizar	Procura de fontes de información actuais e relevantes para o estudo. Deseño e Elaboración das técnicas de recollida de información. Realización de análise de datos
Funcións a realizar	Propoñer ao equipo de investigación as opción máis relevantes a ter en conta de cara á determinación da mostra participante, selección das técnicas de recollida de información, selección das técnicas de análise de datos a empregar e elaboración do informe de investigación.
Retribución bruta mensual	1.019,20 €
Duración do contrato*	1 meses
Data de inicio prevista**	A partir do día seguinte á data da resolución reitoral de selección

Xornada laboral	Tempo parcial 50% (17,5 horas semanais). Me 15:00-21:00, X 15:00-20:30 e V 15:00-21:00	
Categoría laboral	Técnico/a superior de investigación (I.2)	
REQUISITOS E MERITOS DOS CANDIDATOS/AS		
TITULACIÓN REQUIRIDA		
Grao, licenciatura, enxeñaría, arquitectura ou equivalentes		
MERITOS A VALORAR		
Ítems	Concepto do Ítem	Puntos
tem nº 1	Grao ou licenciatura en Pedagogía	30
Ítem nº 2	Formación específica acreditable en estudos de xénero	15
Ítem nº 3	Experiencia laboral acreditable en actividades de I+D con financiamento nacional e internacional vinculadas a estudos de xénero ou/e violencia de xénero e atención a mulleres maiores de 65 anos.	10
Ítem nº 4	Publicacións relacionadas con estudos de xénero	20
Ítem nº 5	Entrevista persoal. A entrevista realizarase unicamente ás 2 persoas candidatas con maior puntuación, que na suma do resto dos méritos acaden un mínimo de 50 puntos.	25

*A duración do contrato pode sufrir modificación en función da data de resolución de adxudicación do contrato e/ou da duración da actividade/proxecto de investigación.

** A data de inicio prevista pode sufrir modificacións en función da data de resolución de adxudicación do contrato

TERCEIRO: O prazo de presentación de solicitudes comezou o 3 de outubro e rematou o 13 de outubro de 2023.

CUARTO: Á referida praza ofertada, concorreu unha solicitante.

QUINTO: O día 18 e 25 de outubro publícase a lista provisoria e definitiva admitidos na devandita convocatoria respectivamente.

SEXTO: A Universidade de Santiago de Compostela na súa Convocatoria de Axudas á Investigación da USC para a realización de proxectos, destinados ao desenvolvemento de medidas do pacto de estado contra a violencia de xénero, para o ano 2023, resolveu conceder a Ana María Porto Castro unha axuda para o proxecto *“A atención sociosanitaria en Galiza a mulleres maiores de 65 anos vítimas de violencia de xénero. Un estudo cualitativo”*. Esta convocatoria indica como data fin destas actividades o 7 de novembro de 2023.

SÉTIMO: Dado que non está resolta a adxudicación da praza e que non é posible ampliar o período execución do proxecto, a Universidade estima necesario desistir da convocatoria da praza de Técnico/a superior de Investigación da actividade 2023-PU018 *“A atención sociosanitaria en Galicia a mulleres maiores de 65 anos vítimas de violencia de xénero. Un estudo cualitativo”*, xa que de

continuar o procedemento causaría un grave prexuízo á USC ao seleccionar e, consecuentemente, contratar a unha persoa nunha actividade xa finalizada.

FUNDAMENTOS DE DEREITO

PRIMEIRO: A Lei 39/2015 do 1 de outubro, establece no seu artigo 35.1 que serán motivados, con sucinta referencia de feitos e fundamentos de dereito os actos que acorden a desistencia pola Administración nos procedementos iniciados de oficio.

SEGUNDO: O desistimiento de oficio por parte da Administración require a xustificación do motivo, de modo que se aclare calquera posible arbitrariedade e se garante que a actuación administrativa estea enfocada ao interese xeral, de conformidade coa xurisprudencia do Tribunal Supremo (sentenzas do 16 abril 1999, RX 1999/4362 do 23 de xuño de 2003, RJ 4413, ou sentenza de 21 de setembro do ano 2006 RX 2006/6437).

TECEIRO: O artigo 84 da devandita lei determina que porán fin ao procedemento a resolución, a desistencia, a renuncia ao dereito en que se funde a solicitude, cando tal renuncia non estea prohibida polo ordenamento xurídico, e a declaración de caducidade.

Á vista de todo o anterior, o reitor

RESOLVE:

PRIMEIRO.- Desistir do procedemento de contratación de persoal investigador e de apoio á investigación no marco de actividades e programas de I+D+i para a praza de Técnico/a superior de Investigación (I.2) da actividade 2023-PU018 “A atención sociosanitaria en Galicia a mulleres maiores de 65 anos vítimas de violencia de xénero. Un estudo cualitativo”, convocado por resolución reitoral do 29 de setembro de 2023 polos motivos expostos nos fundamentos xurídicos desta resolución.

SEGUNDO: Declarar terminado o procedemento administrativo procedendo ao seu arquivo, sen prexuízo da potestade de iniciar un novo procedemento coa mesma finalidade.

TERCEIRO: Notificar esta resolución ás persoas admitidas neste proceso selectivo.

Contra a presente resolución, que esgota a vía administrativa, poderá interpoñer recurso contencioso-administrativo perante o xulgado do contencioso-administrativo de Santiago de Compostela no prazo

de dous meses a contar desde o día seguinte á súa publicación, de conformidade cos artigos 46 e 8.2.a) da Lei da xurisdición contencioso administrativa, aprobada por Lei 29/1998, do 13 de xullo.

Non obstante, os interesados poderán interpoñer recurso potestativo de reposición no prazo dun mes perante o órgano que o ditou. Neste caso non se poderá interpoñer o recurso contencioso-administrativo anteriormente indicado en tanto non recaia resolución expresa ou presunta do recurso administrativo de reposición, ó abeiro dos artigos 123 e 124 da Lei 39/2015, de 1 de outubro de procedemento administrativo común das administracións públicas

Santiago de Compostela,

(Resolución do 29/09/2023, DOG 05/10/2023)

O xerente,

Javier Ferreira Fernández

(Documento asinado dixitalmente)

TABOLEIRO ELECTRÓNICO

Sinatura dixital / Firma digital / Digital signature

Asinante/Firmante/Signer: ANTONIO JAVIER FERREIRA FERNANDEZ, XERENTE, UNIVERSIDAD DE SANTIAGO DE COMPOSTELA, 31/10/2023 11:06:52.

CSV: 8C17-957A-4630-9BB3